





Les 11 fu 13
Yuni 2026

SAN E HORI NA BAKA



"No dati wawan, ma wi owktu e glori ini problema, fu di wi sabi dati problema e tya tan hori ; tan hori e tya maniri, maniri e tya howpu. Noya howpu no e saka wi banti, bika a lobi fu Gado furu wi ati, tangi fu a Santa Yeye, di ben gi wi"
(Roma 5:3-5)



Wi e libi ini wan grontapu di furu nanga sondu,pe sma e lij. Wi ala abi problema sonleisi,di kan meki wi aksi efu Gado libi wi.

Fa wi e du nanga den sani disi di e hori wi na baka?

Wi sa stuka fa son sma ini a Wortu, tyari densrefi ini den sortu setewasi disi e'n fa den eksempre kan yepi wi te wi sa miti den sortu sani disi na wi pasi.


Den bigi winti fu libi




Siki




Pe wi kan lasi libi



Broko saka



Luku Yeises



DEN BIGI WINTI FU LIBI

"Wani bigi hebi winti nanga alen kon, dan den skwala kon tapu a boto, bijna den sungu." (Mark.4:37)



Fu pasa a Se fu Galeli na mindri neti, no ben de wan sani di Peitres nanga Andru, Yakobes nanga Yohanes no ben gwenti, fu di den ben de fisi man fu tru.

Toku a bigi winti kisi den. A winti tya bigi skwala, sofasi dati a boto bigin sungu, den ben kan lasi den libi. Dan den kisi den srefi... Pe Yeises ben de ? Ai sribi ? Sainde a no e yepi wi ? A no e tye nanga san e miti wi ? (Mark.4:35-38).

Ini wi libi wi e psa bigi winti. Wi e aksi Yeises fu yepi wi, ma a gersi Ai sribi. Wi ne firi dati A de nanga wi. Ma A de drape.



Wakti a momenti te a sa saka a bigi winti:" Freide, tan tiri"(Markes 4:39) Ai tye gi wi(1 Peitres 5:7). En kan tapu den bigi winti fu wi. No fergiti fu prijse En, te A duen(Markes 4:40,41).



SIKI

"Bika a denki," efu mi fasi en krosi nomo, mi sa kon betre" (Markes 5:28)

Fu twarfu langa yari a las brudu, sondro a feni wan datra, di ben kan dresi en, meki a frow kon tron wan mofina wan, sobu po'ti po'ti ,sondro wan howpu(Mark. 5:25,26) Tide ,kondre de ,pe yu no kan feni frij datra, so a srefi sani kan miti yu.



A wasi fa yu luku en, wi ala kan miti sani leki disi, pe siki e yokro wi, te a de leki wi sa dede, tan sondro bro.

A frow ben si ini Yeises a solusion e'n en bribi ferlusu en.(Mark.5:27-29).

Wi musu fertrow dati Yeises kan gebroiki koni datra fu meki wi kon betre, noso wan, wondru wante,wante.

A no fa wi e si en, Yeises e kari wi ala fu libi wi hebi nanga broko ede gi En.(Mat.11:28-30).




PE WI KAN LAS LIBI

"Baka di mi skin dede, toku nanga mi srefi skin mi sa si Gado." (Yop 19:26)

Bigi feti, wreid sani nanga sani ini a natuur, pe sma kan las libi, tyenti a libi fu Yop fia. (Yop 1:13-19) Wi ala e miti sani pe wi kan las libi, a wasi ini a natuur noso ini a ogri di de ini a grontapu disi.

Fa wi sa du ? Fa Yop du ?




A no kos Gado, a no poti En na wan sei

A hanga na En nanga ala krakti

A tan fertrow srefi ini den moro dungru momenti

A luku go na a moro glori tendekon. (Yop 19:25-27)





Efu wi no las ati, wi sa si dati ini den moro tranga tesi fu wi, Gado na alaten de nanga wi. A lobi wi, Ai kraka wi, fu wi kan kisi krakti ini wi swaki, dehati fu te wi e frede, nanga howpu pe srefi wi kan las libi. (Yoel 3:10; Roma 5:3-5).

Efu yu e psa muilek ten, prakseri dati a de wan tru sani, ini a lobi fu Gado nanga En sorgu gi yu, yu de moro safe, yu de moro stabil.

BROKO SAKA



"ma wi ben abi a howpu, dati en ben sa de a wan di ben sa ferlusu Israel..." (Luk. 24:21a)



Sa wi ben si na fesi :Yeises a Mesias, di ben sa ferlusu Israel. San kon ekte : A ben dede(Luk.24:18-21).

Den broko saka ben de so bigi,dati a no gi den okasi fu teki a moro switi getoigi dat Yeises ben opo baka. (Luk. 24:22-24).

Nanga pasensi, Yeises yepi den fu kisi hopo baka . Tef kba" den ai opo"(Luk.24:31),dan den lon fu kraka den trawan di ben abi a brokosaka ete.(Luk.24:32-35;2 Kor.1:4) San wi kan leri fu a ondrofeni disi?



Wi no musu dege dege teki rutu ini wi prakseri

Yeises e waka nanga wi,srefi ini wi brokosaka

A sa meki den wolku fu brokosaka wai gwe,efu wi gi en

Yeises sabi moro bun,fa wi libi e waka tru tru

SI YEISES

"Mi e wegi, dati wi pina noyaso, no wa'rti fu poti en sei nanga sei, nanga a glori di sa kon krin gi wi." (Roma 8:18)

Di Ellen White ben brokosaka te na doti, a kisi wan fisiun,pe a si Yeises.

A kon ferstan dati A ben ferstan ala sani di ben psa nanga en. Wan leisi a poti en anu tapu en ede, dan Yeises taigi en," No frede."

A si sani fu glori, dan a gersi dati a ben de na wan safe presi nanga wan presi fu freide fu heimel.

A dren disi gi en howpu nanga bribi,nanga a dyaranti dati a ben kan fertrow Gado.



"Den di lobi en, di soleki
fa a ben abi ini en prakseri
,dan a ben kari den."
(Roma 8:28)

"No frede noti, ma ini ala setewasi, nanga begi nanga
aksi, nanga tangi, tyari yu aksi kon na Gado fesi. Dan a
freide fu Gado, di e psa ala wi ferstan, sa kibri yu ati
nanga yu denki ini Krestes. Yeises." (Fil. 4:6,7)

"Si en leki soso breiti, mi brada nanga mi
sisas, te yu e miti furu sortu tesi, bika yu
sabi dati a tesi fu yu bribi e tya tai hori.
Meki a tai hori du en wroko te a kba, so
dati yu tron bigi sma fu tru, di no e mankeri
noti.[...] Blesi en di e tan hori te tesi miti en,
bika te yu psa a tesi, a sma dati sa kisi a
kownu ati fu libi, di Masra pramisi den, di
lobi en." (Yak. 1 :2-4,12)



"Ma a taigi mi," Mi kenade de nofo gi yu, fu di mi makti e kon perfekti ini a swakiwan.
Datmeki mi sa dyaf moro nanga prisiri ini a swaki di mi swaki, sodati a makti fu Krestes
kan de na mi tapu." (2 Kor. 12:9)

“Ini a ondrofeni fu ala , ten e kon pe wi e broko saka fu tru – dei pe sarie miti wi e' n a tranga fu bribi dati Gado de a srefi switi wan di e sorgu den pikin fu en na grontapi; dei pe problema e bruya a sili, sofasi dati wi e winsi dede. Ini den ten dati furu e lasi a hori di den e hori Gado, dan den e tron srafu fu dege dege e'n pe den e lasi bribi. Ini den ten dati a ben sa bun efu wi ben kan si na yeye ,san Gado e bedul , dan wi sa si fa den engel di e suku fu ferlusu wi fu wisrefi. Den e meki muiti fu poti wi futu tapu den te'go bergi, dan wan nyun bribi,wan nyun libi sa kon fu si.”